

近
樊山詩詞文稿

上海廣益書局
發行

樊山詩詞文稿卷三

南郡樊增祥嘉父近著

七言律詩元

書感

詩禪畫隱各宗風
南北由來少異同
佛說生蓮炎火裏
我憐爆豆冷灰中
閒分香劑思宜愛
薄有風懷託小叢
等是少陵憂國意
香山淡冶義山工

舫齋

舫齋即是積書巖
雨後霜前草未芟
晚食飯宜淘熟米
早寒衣已換生衫
叢談詞苑收蓮子
雅話詩亭續石帆
我是江南老桑苧
題名長帶散人銜

楊氏女伶爲石甫揆東所賞要余賦詩

一樹垂楊太液東
伶仃齊女可憐蟲
八鬟寶髻垂雲膩
九朵蓮燈映面紅
隱語

操琴疑漏月

秦琴女名

慧心別玉比翮風

石崇命翮風別玉

祐詩涯筆能抬舉顛倒端端墨

雪中

節近中秋葆生枉饋酒果賦詩

走伴來叩兩扉柴節物忼人慰老懷歲歲團欒仍月下時時响沫向天涯預徵

家慶榴房滿

余又將抱孫

得似卿言酒味佳等是故人鳩兔意小文答謝愧誠齋

楊誠

齋有謝人惠酒橋鳩兔啓一時傳誦

秋仲買桂八盆

五十三年折桂人露簷重對小花新高科壓倒重陽菊縮本開成十字蘋玉斧

斫來香在夜珠槽釀出暖浮春移根總傍西陵土樹樹冬青有化身

都中盆桂皆用冬青

栽接

池上晚興

西風一夜撼青梧凝碧秋槐卽漸疏猶帶北門前賜號重繙東觀未收書綺窗交鎖明朱鳥玉水香苔長綠魚絕勝竹垞趨史館斜街歸去但騎驢

驟寒

北風一夕入高樓不信嚴寒屬仲秋藏垢且宜翻着襪愛毛帶欲反披裘安排紗屨更蠶紙熨貼牀氈暖麝篝栗爆貓跳好時節圍爐團坐復何求

石甫次驟寒韻奉酬

筋力知君嬾上樓北風烈烈起晴秋肯隨劉曄裁新帽莫就楊昌典故裘

相如鵲

鵲裘就楊昌貫酒

朝浥醴桃花露水夜燃嫁杏竹燈篝靈芝宮久無消息細數寒更寤寐求

寐求

再贈石甫

意可香中下暖簾最能綺語寫閨檐眉頭不展王都督脚指難爲李幼廉

高神武云

碎汝諸人作不得李長史脚指花海游從秋後減詩潮猛向病來添惜君不得爲京兆無數春

山在筆尖

笏卿和驟寒詩變前韻奉贈

睡鳴簾櫳懶上鈎一窩安樂更何求乘驄鮑昱歸來好擲雉袁耽識得不滾滾

言泉清入夜

君與余皆能夜談

溫溫肺乾歛於秋善歌剩有韓金喜筋力猶堪一上樓

金喜初僅中駟籍君一顧聲價十倍

市樓偶集

聽罷清歌認酒旗市廛喧闐逐羣兒獨醒衆醉難爲我後樂先憂恰是誰餽飢
飽嘗山谷賄醅醅初熟醉翁詩依然露似珍珠夜新月橫煙展一眉

一厂兩和前韻疊韻奉酬

綺繡屏風軟繡簾紅藍貽我已盈簪百城細素傾城色斑白如君尙不廉圓照

夢爲明鏡照添蘇詩傍玉臺添

添蘇長安名妓得魏野詩如獲異寶

生辰剛近重陽節菊取團花

蟹取尖

今日爲君生日

再疊前韻壽石甫

筆似飛郎

箭名

射鐵簾詩如珠佩報貂襜鳳因賀世毛常美豹有餘糧食每廉鵝

絹舊圖芝草秀

君屢乞人畫石芝偕老圖

鶴籌新傍菊叢添壽筵勸進金杯酒乞取弓鞋筍

樣尖

三疊韻調石甫

詩爲溫公寫紙簾夢隨玉局攬霞檐梅花作儷林君復丹藥求仙葛子廉卅六

英雄卅六喜百餘忍字百餘添

君作閏月四首詩凡百餘添字如添日添月添夜添晝添富添壽添酒添肉之類

踢翻

鸚鵡渾閒事不費胡靴吉莫尖

月下懷朴公鎖院

蟾宮花窠見無緣佇望金甌缺復圓科舉名除天上籍山河影似鏡中煙光陰
最好惟三五門戶於今有萬千爲憶老坡立秋試鎖廳催和賁茶篇

再寄朴公鎖院

略與科場意思同希仁關節竟誰通姓名大半孫山外

文官考試五千人取不及半

喫著都

懸祖鉢中堯舜一人難永叔固毡兩號感迂翁笑余老有童心在思著銀袍待

至公

余生平無他嗜好惟喜考試

喜夔文還京

板浦波涼木葉飛北還吾道益光輝檄書皖帥青油幕歌曲吳儂白紵衣稍伴
柳琴馳馬去墨和歐史負囊歸寒山正校秋冬獵逐鹿何當合一圍

潛菴膠續乞詩

金臺良月夢瀟湘信有絃膠合鳳皇奕葉尙騰修竹譽

修竹楊家

百花都避早梅香

初來禮法教新婦一種溫柔戀故鄉新婦亦湘人敢效王生役廷尉君官平政院好令結

鞮向紅房

疊韻酬笏卿

細素緹油夙有緣手能左右畫方圓菊花未困重陽雨豆味新收幾蜡煙皆本事

俠氣昔曾驕潑五齒神今漸妥羅千近屢就徐君補齒齒神名羅千僻書多入飛卿眼何獨南

華第二篇

調石甫

淮海新來學道勤壽人原不斷聲聞年年手蹟葫蘆畫日日衣香撲凸薰德秀

眉頭鬱芝采子房掌上現琴紋美成最憶橫波眼欲寫羅巾寄楚雲美成望江南詞歌席

上無賴是橫波爲楚雲作也

展重陽日同少朴過笏卿久談次笏翁韻

倦飛離上不逾尋金玉無勞闕爾音三白飯餘貪夜坐兩重陽過愛秋深盟心

康靖雙餅豆醫國西山一味葠

謂朴公

爲戀長安今舊雨老依京輦當歸林

菊天酒熟漫招尋談塵猶聞正始音匏匱家常留飯易杖藜老態入花深不求
潤甫烏鬚藥却受荆公定喘葠豈獨詩評擬芸叟猶能精楷仿曇林

月夜自城南歸

冬寒老骨與禁當燈火蕭疎更漏長一雁叫雲天似水衆山沈睡月如霜百年

科第餘詩榜

科舉既廢惟詩鐘存其遺意

半夜笙歌散戲場歸卸大裘理茶事烘鑪取暖向

書堂

三疊韻寄笏卿

挂角羚羊不易尋城南寂寞偶求音年高素食惟蘄淡坐久元談轉入深歸老

徒思就魚麥居貧無力致貂裘

近來一物奇貴

古文晚境猶精進突過三魚與二林

再簡笏卿

江山黃落掩柴荆日下咸知竹笏生老至時時求聖藥我來往往絮香羹娑羅

葉上簪花字

君七十後
小楷益工

櫟灰中爆栗聲延壽定須風趣足小妻稚子互逢迎

再簡一厂

尋花服散兩相妨五考郎官滯病坊累句豈宜嘲白傳回文大抵仿蘇娘老猶

博簪通輕俠妻恐齋期犯太常縱似景王生日瘤破來了不懼文鴛

君目腫一
破即愈

朴公和月夜詩疊韻奉酬

夷賧東來互打當

宋史外國貢使入境以
土物交易謂之打當

萬人閱市御街長豔歌瓊樹常延月

瘦骨黃花並傲霜九日子瞻還羽服幾年介甫住皮場近詩律比夔州細莫擬

唐堂與稼堂

昨爲君校定
近詩一冊

余既作補齒記更賦二詩示徐博士

十年予口補苴勞奇惠今叨玉版刀君鍊純鋼如繞指我欣活玉頓還巢紫陽
定不追前稿內翰怡然賦老饕不是遭逢醫國手人間那得鳳皇膠

逢君如嚙大還丹編貝東方復舊觀婁口噓春知有色

婁師德齒
牙春色

歐唇不蔽亦

非寒

歐陽公唇
不蔽齒

事殊北國鬚眉種義當司徒指甲看脆筍新梨俱拜賜百年長

飽腐儒餐

冬柳用漁洋秋柳韻

梅邊問柳未還魂小現陽春栗里門凍雨輕垂餘眼淚遠山濃睡斂眉痕鶯啼
每憶湖邊路鴉點遙分陌上村無數長條霜霰裏歲寒松柏與同論

一番昨夜渡河霜香葉翻飛下野塘月補盧娘秋後黛雪添謝女嫁時箱髮教
暫鬢同天后腰不勝裙媚楚王往日板橋流水路北風吹冷大功坊

寒蟲聲裏嘆無衣豔綺柔羅事事非花市朱娘正月近永豐白氏兩星稀鏡中

憔悴羞冰鑑雪裏顛狂見絮飛一歲綠陰常八九長亭何惜暫相違

汝與冬青兩可憐燕臺晚次黯霜煙寒燼夜燧猶鑽火草楊奇溫定是縣

見南史

換葉移根仍上苑回黃轉綠又明年鵝兒酒畔窺春色不在梅邊卽柳邊

冬柳再賦仍用漁洋秋柳韻

婷婷嬈嬈說銷魂餘態妖韶尙倚門到底有情供馬箠明年彈汁染衣痕天荒地老空諸相水淡山濃又一村何限黃羅哀怨意將鱸換扇忍重論

靈和殿瓦一時霜何況鳴禽小謝塘色與年凋非碧玉腰隨月減倚青箱

沈約子小

字青箱絳雲劫後憐如是殘雪籬邊記姓王留得淨瓶甘露在衰遲仍傍菩提坊

秋娘唱盡鏤金衣轉覺今非甚昨非梓澤黛鬟房老退陽關冰雪故人稀全輸北陸黃絲暖莫妒東山粉絮飛西角荒園任凋落兩星終始不相違

曉風殘月見猶憐糝雪鱸頭散綠煙暖谷吹噓憑嶰竹寒人衣被讓房絲纖輕

尙可隨蠻舞僵仆猶當起漢年太極昭陽春色早鵝黃佇上液池邊

生日

總爲他人辦壽詩今朝自壽可無辭齒牙還我新編貝頭髮依然未有絲鸞掖
忝爲諸老冠雞窠應詫此兒奇清齋謝客年年慣坐對梅花一兩枝

生日石甫劍侯桐淵皆有詩見祝戲答

樊山亦是好詩題宜稱詩人盡賦詩到老並無眞嗜好忘憂賴有假聾癡隨緣
衣飯常知足行世文章戒好奇無病無災天厚我虛名多謗又何疑

伯雨屬題可園傳易圖

廻薄乾坤入草廬松窗一老自研朱紫陽漫註參同契營道初成太極圖來復
梅花心數點清談桶篋手忘籀繩牀枕易哦新句奪得黃庚第一無

元初黃月屋在越中

詩社試枕易詩李侍郎應祁定爲第一

穎人四十生日

庾梅壽以百番花今見香光四十賒詩律春回銀海雪仙衣綵綯赤城霞九州

文軌樞常筦

君久任路政司

五考黃門鬢未華收取功名到頭白再看葛鮑訪丹砂

小集飴鄉甘勝飴綠窗斑管玉交枝松苓釀法神仙授山水琴心彼自知倚竹
微寒攜手處潑茶濃笑誦書時吾曹定落嬋娟後先有鷗波壽外詩

幼偉新典謨貝子花園冬夜置酒卽席賦贈

亭臺全仿內家居身到瀛壺縱目初佳客素心評水石美人纖手理琴書清門

慈孝瞻烏鳥亂世英雄愛腹魚

余嘗謂三國英雄究推曹公第一是日席間腹魚極美

更待園林二分雪

玉梅花伴玉蟾蜍

微雪

翦水爲花始欲凝折繇風力撼窗棧灑空乍似濛濛雨著樹俄成點點冰當晝

天容疑半醉，愆陽地氣已全升。暖鍋自煮寒畦菜，此樂朱門得未曾。

冬日

擊壤堯夫喜打乖，天寒深閉兩扉柴。世驚老筆猶花粲，我愛冬暄比月佳。綰髻如螺高屋屋，以神爲馬騁胸街。飯餘炙背南簷坐，分與狸奴一尺階。

疊韻遣懷

烹茶竹簞長流水，生火泥鑪小把柴。夜睡何如朝睡美，雪晴還較雨晴佳。徒勞宣室虛前席，偶訪蘭闥出左街。擊鉢聊爲三昧戲，懶從詩國計勳階。

再疊前韻遣懷

猿鶴東溪舊約乖，老猶運水復搬柴。瘦吟恐被梅花笑，渴飲方知芥葉佳。未變桑田三海水，幾多裘馬五陵街。瓶花移就南窗日，時有凍蜂飛上階。

三疊前韻述懷

問舍求田志已乖
營巢老鵲尙銜柴
空空色色徵禪定
鬱鬱蔥蔥覺氣佳
北府諸兵惟飲酒
南衙半仗孰籠街
衰遲但有承平望
佇見虞千舞兩階

四疊前韻紀事

今年京外諸州雪
皓皓全封一谷柴
人意欣然占歲稔
天心甯不厭兵佳
靈臺珠璧三辰會
是月日月合璧五星聯珠
院本笙歌十二街
黃閣初成須努力
漢廷星象應台階

調一厂

皓首宣明

東園公子

采紫芝石頭路滑認依稀
雙弓月樣花承舄一箭風流麝染衣

晝浴湯泉窺未得
夜隨油壁送將歸
一從秋雨文園病
妾面桃花郎面非

枉泥琴南畫石芝
明明紅藥是將離
三挑子贛甯無意十索丁娘最有詞
鶯夢

可曾圖素素

薛素素有崔鶯入夢圖

狐精不信卽師師
盈盈入髻橫波眼
慚愧蕭郎目腫

時

樸公和生日韻再答

降寅已過百篇詩

余五十以後生日詩將百首矣

子美於今最有辭

朴公在今日吾擬之國僑

無用金貂拚

換酒自然竹肉勝於絲吟朋落落稱三壽

兼謂笏卿

文陣時時佈六奇纔過懸弧日

添線微微春色上燈枝

寒事

不耐乾方虎樣風閉門松火自熊熊酒初熟似荔支綠梅未開如豇豆紅暖閣

季秋新表背珍裘始仕舊裁縫

二十餘年未製一衣

消磨寒事青燈下一點詩心老尙童

茶聲細細和書聲起晏眠遲日有程吟瘦瓶梅五更凍曬紅園果一冬晴繡龕
酌酒還澆佛暖筦含飴且戲嬰飯白蔬香不多食老年榮衛自和平

漫興